

Urhulumende wesiFunda seMpumalanga



UmNyango wezemiSebenzi yomBuso, zeeNdlela nezokuThutha

IMANUWALI YE-PAIA

**Ilungiswe ngokwesigaba 14 somThetho wesi-2 ka-2000 wokuKhuthazwa
kokuFumaneka kweLwazi (njengombana ukhitjelelw)**

(IVETJHINI YESINDEBELE)

A handwritten signature in black ink, appearing to read "VAN".

ITHEBULA YOKUMUMETHWEKO

ISENDLALELO.....	3
1. IINHLATHULULO.....	4-7
2. IRHELO LAMA-AKHRONIMI NEENRHUNYEZO.....	7-8
3. UMNQOPHO WEMANUWALI YE-PAIA.....	8
4. UKUSUNGULWA KWE-DPWRT.....	8-9
5. UKWAKHEKA KANYE NEMISEBENZI YE-DPWR	10
6. IMININGWANA EQAKATHEKILEKO YOKUTHINTANA YOKUFUMANA ILWAZI E- DPWRT.....	10-11
7. IKAMBISO YOKUFUMANA AMAREKHODI APHETHWE YI-DPWRT.....	11-12
8. IHLATHULULO YAZO ZOKE IINSOMBULULO EZITHOLAKALAKO MAYELANA NOKWENZA NAMKHA UKUBHAELWA KUTHATHA AMAGADANGO YI-DPWRT.....	12
9. UMHLAHANDLELA NGOKUSETJENZISWA KWE-PAIA NOKOBANA UTHOLAKALA BUNJANI UMHLAHANDLELA.....	13-14
10. IHLATHULULO YEENHLOKO ZAMAREKHODI APHETHWE YIHLANGANO KANYE NEENGABA ZAMAREKHODI APHETHWE YI-DPWRT.....	14
11. IINGABA ZAMAREKHODI WE-DPWRT ATHOLAKALA NGAPHANDLE KOBAN UMUNTU AKHOMBELE UKUWAFUMANA.....	15
12. UKUSETJENZWA KWELWAZI LOMUNTU SICU KANYE/NAMKHA KWAMAREKHODI.....	15-17
13. UKUTHOLAKALA KWEMANUWALI.....	17
14. UKUBUYEKEZWA KWEMANUWALI.....	18

ISENDLALELO

IsiGaba sama-32(1) somThetho we-108 womThethosisekelo weRiphabliki yeSewula Afrika ka-1996, uthi woke umuntu unelungelo lokufumana ilwazi kanye/namkha amarekhodi aphethwe mbuso kanye nanyana ngiliphi ilwazi eliphethwe ngomunye umuntu begodu lokho kufunelwa ukusebenzisa namkha ukuvikelwa kwelinje nelinye ilungelo. UmThetho wesi-2 ka-2000 wokuKhuthazwa kokuFumaneka kweLwazi (Promotion of Access to Information Act (PAIA)) uphumelelisa isigaba sama-32(1) somThethosisekelo. UmThetho ubeka iimfuneko zekambiso ephathelene neembawo zokukhonjelwa kwelwazi, kanye neenzathu zokwala ukunikela ilwazi kanye/namkha amarekhodi akhonjelweko. IManuwali le yazisa abakhombeli ngekambiso nezinye iimfuneko eziphathelene neembawo.

UmThetho nawo uyazi bona ilungelo lokufumana ilwazi kufanele lilinganiswe namanye amalungelo begodu kufanele libe ngaphasi kwemikhawulo efaka hlangana kodwana engapheleli emikhawulweni ekunqotjhwe ngayo ukuvikelwa okufaneleko kwefihlo kanye nefihlo yezokurhweba.

IsiGaba sama-51 se-PAIA sitlama ilungelo langokomthetho lokufumana ilwazi kanye/namkha amarekhodi (njengombana kuhlathululwe esigabeni soku-1 se-PAIA kanye nesigaba soku-1 somThetho wesi-4 ka-2013 wokuVikelwa kweLwazi lomuNtu siQu (Protection of Personal Information Act (POPIA)) lehlangano yangeqadi (yemvelo neyomthetho), nokho-ke ilungelo leli lingasulwa ebujameni obuhlelwwe ngaphasi kweSahluko sesi-4 sesiGaba sesi-3 se-PAIA. Ukungezelela, ngokukhambisana ne-POPIA, ihlangano enesibopho esebezenza ilwazi lomuntu siqu kufanele yazise umuntu ilwazi eliphathelene naye ("Umnikazi wemininingwana") ngendlela umNikazi wemiNiningwana angafumana ngayo ilwazi lakhe eliphethwe mumuntu onesibopho.



MC MOROLO
IHLOKO: YEMISEBENZI YOMBUSO, ZEENDLELA NEZOKUTHUTHA
IDADAMU 04 | 04 | 2024

1. IINHLATHULULO NOKUTOLIGA

1.1 linhlathululo

- 1.1.1 “**Imbadalo yokufumana**” itjho imbadalo eqintelweko ngeminqopho yesigaba sama-22(6) namkha sama-54(6) njengombana kungaba njalo;
- 1.1.2 “**Umnikazi wemininingwana**” litjho umuntu ilwazi eliphathelene naye;
- 1.1.3 “**ISekela lesiPhathiswa seLwazi**” litjho umuntu onyulweko ehlanganweni yombuso namkha yangeqadi onesibopho sokusiza isiPhathiswa seLwazi ngesibawo se-PAIA;
- 1.1.4 “**Umhlahlandlela**” litjho umhlahlandlela wokobana isetjenzisa njani i-PAIA ngunanyana ngubani ofuna ukusebenzisa elinye nelinye ilungelo elitjhejwe emThethweni wesi-2 ka-2000 wokuKhuthazwa kokuFumaneka kweLwazi (**PAIA**) kanye nomThetho wesi-04 ka-2013 wokuVikelwa kweLwazi lomuNtu siQu, njengombana kutjhejwe esigabeni se-10 se-PAIA;
- 1.1.5 “**IHloko**” ye-,namkha ngokuphathelene nehlangano yangeqadi itjho:
- (a) ebujameni bomuntu wemvelo, ukufaka hlangana umuntu ekukhulunywe ngaye endimeni yehlathululo “yehlangano yezopolitiki”, umuntu wemvelo lowo namkha nanyana ngimuphi umuntu ogunyazwe mumuntu wemvelo lowo;
 - (b) ebujameni bebhizinihlanganyela, omunye nomunye umlingani webhizinihlanganyela namkha omunye nomunye umuntu ogunyazwe yibhizinihlanganyela;
 - (c) ebujameni bomuntu womthetho:
 - (i) isiphathiswa esiphezulu namkha isiphathiswa esifanako somuntu womthetho namkha omunye nomunye umuntu ogunyazwe siphathiswa leso; namkha
 - (ii) umuntu obambele omunye umuntu namkha omunye nomunye umuntu ogunyazwe mumuntu lowo obambele omunye; namkha
 - (d) ebujameni behlangano yezopolitiki, umrholi wehlangano yezopolitiki namkha omunye nomunye umuntu ogunyazwe mrholi lowo;

1.1.6 “IsiPhathiswa seLwazi”

Mayelana nehlangano yangeqadi –

- (a) ebujameni bomnyango wesitjhaba, urhulumende wesifunda namkha ingcenyehlangano:
- (i) evezwe kuKholomu loku-1 leTjhejuli yoku-1 namkha yesi-3 yomThetho weKoro yemBusweni, 1994 (IsiMemezelos-103 saka-1994), sitjho bona isiphathiswa esiphethes-103 isikhundla

- ekukhulunywa ngaso kuKholomu yesi-2 yeTjhejuli yoku-1 namkha yesi-3 ngokuphikisa ibizo lomnyango wesitjhaba, urhulumende wesifunda namkha ingcenyehlangano efaneleko namkha umuntu obambele omunye ngokunjalo; namkha
- (iii) okungakatjhiwo njalo, kutjho umNqophisi Zombelele, ihloko, umnqophisi omkhulu namkha isiphathiswa esifanako, ngokunjalo somnyango wesitjhaba lowo, urhulumende wesifunda namkha ingcenyehlangano, ngokunjalo, namkha umuntu obambele omunye;
- (b) ebujameni bakamasipala, kutjho umphathi kamasipala oqatjhwe ngokwe sigaba sama-82 sakaRhuLumende weNdawo: umThetho wemiKhakha kaRhulumende, 1998 (umThetho we-117 ka-1998) namkha umuntu obambele omunye ngokunjalo; namkha
- (c) ebujameni bananyana ngiyiphi iLangano yombuso, kutjho isiphathiswa esiphezulu namkha isiphathiswa esifanako sehlangano yombuso leyo namkha umuntu obambele omunye;
- mayelana nehlangano yangeqadi -
- (d) kutjho ihloko yehlangano yangeqadi njengombana kutjhejwe esigabenisoku-1 somThetho wokuKhuthazwa kokuFumaneka kweLwazi;
- 1.1.7 “**UmLawuli weLwazi**” kutjho umLawuli weLwazi osungulwe ngokwesigaba sama-39 somThetho wokuVikelwa kweLwazi lomuNtu siQu, 2013;
- 1.1.8 “**Isibilayezo sangaphakathi**” kutjho isibilayezo esiya kusiphathimandla esiphetheko ngokwesigaba sama-74;
- 1.1.9 “**MEC**” **kutjho iLunga lomKhandlu wesiGungu**;
- 1.1.10 “**Umuntu**” kutjho umuntu wemvelo namkha umuntu womthetho;
- 1.1.11 “**Ilwazi lomuntu siqu**” kutjho ilwazi eliphathelene nomuntu wemvelo obonakalako, ukufaka hlangana, kodwana kungapheleli:
- (a) elwazini eliphathelene nobuhlanga, ubulili, ukuzithwala, amathatho, ubutjhaba imvelaphi yobuhlanga namkha yezehlalo, umbala, ubulili obukhethwako, iminyaka yobudala, zamaphilo ngokomzimba nangokomkhumbulo, ukukhubazeka, ikolo, unembeza, ikolelo, isiko, ilimi nokubelethwa komuntu;
 - (b) ilwazi eliphathelene nefundo namkha zokwelatjhwa, zeemali, nobulelesi namkha nomsebenzi womuntu;
 - (c) nanyana ngiyiphi inomboro ekhombako, itshwayo, isiphande se-imeyila, isiphande sendawo, inomboro yomtato, ilwazi lendawo, ikomba yethungelewano namkha okhunye okunikelwe umuntu lowo;
 - (d) ilwazi elimayelana namatshwayo womzimba womuntu;
 - (e) imibono yomuntu siqu, imibono namkha okuthandwa mumuntu;

(f) iincwadi ezithunyelwa mumuntu ezicacileko neziyifihlo ngokwemvelo namkha ezinye iincwadi ezizokuveza okumumethwe ziincwadi zokuthoma;

(g) imibono yomunye umuntu mayelana nomuntu; kanye

(h) nebizo lomuntu nangabe livela nelinye ilwazi lomuntu siqu eliphathelene nomuntu namkha nangabe ukuvezwa kwebizo ngokwalo kuzokuveza ilwazi elimayelana nomuntu, kodwana lingafaki ilwazi elimayelana nomuntu ohlongakele ngaphezu kweminyaka ema-20;

1.1.12 Ihlangano yangeqadi” kutjho:

- (a) umuntu wemvelo oraga namkha owakhe wenza nanyana ngiliphi irhwebo, ibhizinisi namkha umsebenzi, kodwana ngesikhundla lesi kwaphela;
- (b) ibhizinisihlanganya eraga namkha ebeyilokhu iraga kunanyana ngiliphi irhwebo, ibhizinisi namkha umsebenzi; namkha
- (c) nanyana ngimuphi umuntu womthetho wangaphambilini namkha okhona; namkha
- (e) ihlangano yezopolitiki kodwana engafaki ihlangano yombuso;

1.1.13 “Ihlangano yombuso” itjho -

- (a) omunye nomunye umnyango wombuso namkha wezokuphatha womkhakha karhulumende wesitjhaba namkha wesifunda namkha omunye nomunye umasipala wemkhakheni karhulumende wendawo: namkha
- (b) nanyana ngimuphi umsebenzi namkha isikhungo lapho
 - (i) ukusebenzisa amandla namkha ukwenza umsebenzi ngokomThethosisekelo namkha
 - (ii) ukusebenzisa amandla wombuso namkha ukwenza umsebenzi wombuso ngokomunye nomunye umthetho;

1.1.14 “Irehodi” le-, namkha eliphathelene nehlangano yombuso namkha yangeqadi, litjho elinye nelinye ilwazi elirekhodiweko:

- (a) nangaphandle komhlobo namkha indlela; eliphethwe ngayo namkha elingaphasi kwelawulo lehlangano leyo yombuso namkha yangeqadi, ngokulandelana; begodu
- (b) nokobana ingabe latlanywa yihlangano leyo yombuso namkha yangeqadi, ngokulandelana;

1.1.15 “Isibawo sokufumana”, esiphathelene:

- (a) nehlangano yombusoi, sitjho isibawo sokufumana irekhodi lehlangano yombuso ngokwesigaba se-11; namkha
- (b) lehlangano yangeqadi, sitjho isibawo sokufumana irekhodi lehlangano yangeqadi ngokwesigaba sama-50;

1.1.16 “**Umkhombeli**”, ngokuphathelene:

- (a) nehlangano yombuso, utjho-
 - (i) omunye nomunye umuntu [kunehlangano yombuso etjhejwe endimeni (a) namkha (b)(i) yehlathululo “yehlangano yombuso”, namkha isikhulu sayo] esenza isibawo sokufumana irekhodi lehlangano leyo yombuso; namkha
 - (ii) umuntu obambele umuntu ekukhulunywa ngaye endinyaneni (i);

1.1.17 “**Ihlangano enesibopho**” itjho ihlangano yombuso namkha yangeqadi namkha omunye nomunye umuntu oyedwa namkha ngokuhlanganyela nabanye, ebeka umnqopho kanye neendlela zokusebenza ilwazi lomuntu siqu;

1.1.18 “**Omunye umuntu obandakanyekako**”, ngokuphathelene nesibawo sokufumana:

- (a) irekhodi lehlangano yombuso, litjho omunye nomunye umuntu (ukufaka hlangana, kodwana kungapheleli kurhulumende wenarha yangaphandle, ihlangano yeentjhabatjhaba namkha umkhakha karhulumende lowo namkha ihlangano leyo)
 - (i) kunomkhombeli othintekako; kanye
 - (ii) nehlangano yombuso; namkha
- (b) irekhodi lehlangano yangeqadi, litjho omunye nomunye umuntu (ukufaka hlangana kodwana kungapheleli ehlanganweni yombuso) kunomkhombeli, kodwana ngeminqopho yesigaba sama-34 nesama-63, ukuqaliswa ‘komuntu’ endimeni (a) no-(b) kufanele kuthathwe njengokuqaliswa ‘emntwini wemvelo’;

1.1.19 “**UmThetho**” utjho umThetho wesi-2 ka-2000 wokuKhuthazwa kokuFumaneka kweLwazi njengombana kukhitjelelw begodu kufaka hlangana omunye nomunye umthetholawulo owenziweko nosebenzako ngokwesigaba sama-92.

2. IRHELO LAMA-AKHRONIMI NEENRHUNYEZO

2.1	“ DPWRT ”	Mnyango wemiSebenzi yomPhakathi, lindlela nezokuthutha
2.2	“ UMTHETHOSISEKELO ”	UmThethosisekelo weRiphabliki yeSewula Afrika
2.3	“ DIO ”	ISekela lesiPhathiswa seLwazi
2.4	“ HOD ”	IHloko yomNyango
2.5	“ IO ”	IsiPhathiswa seLwazi
2.6	“ UNGQONGQOTJHE ”	UNgqongqotjhe wezobuLungiswa nezamaJele
2.7	“ MEC ”	ILunga lomKhandlu wesiGungu
2.8	“ PAIA ”	UmThetho wesi-2 ka-2000 wokuKhuthazwa

		kuFumaneka kweLwazi (njengombana ukhitjelelwe)
2.9	“PFMA”	UmThetho woku-1 ka-1999 wokuPhathwa kweeMali zomBuso (njengombana ukhitjelelwe)
2.10	“POPIA”	UmThetho wesi-4 ka-2013 wokuVikelwa kweLwazi lomuNtu siQu
2.11	“UMLAWULI”	UmLawuli weLwazi ngendlela asungulwe ngayo sigaba sama-39 se POPIA
2.12	“SAHRC”	IKomitjhini yamaLungelo wabaNtu yeSewula Afrika

3. UMNQOPHO WEMANUWALI YE-PAIA

IManuwali ye-PAIA le iqakathekile kobana umphakathi:

- 3.1 uhlole umhlobo wamarekhodi ekungenzeka bona sele afumaneka e-DPWRT ngaphandle kwetlhogeko lokwethula isibawo esihlelekileko se-PAIA;
- 3.2 uzwisise bona isibawo sokufumana irekhodi le-DPWRT senziwa njani;
- 3.3 ufumane yoke imininingwana efaneleko yokuthintana yabantu abazokusiza umphakathi ngamarekhodi abafuna ukuwathola;
- 3.4 wazi zoke iinsombululo ezitholakala e-DPWRT ezimayelana nesibawo sokufumana amarekhodi ngaphambi kokuya kumLawuli namkha emaKhotho;
- 3.5 uzwisise ihlathululo yomahlahlandlela ngendlela yokusetjenzisa kwe-PAIA, njengombana ubuyekezwe mLawuli nokobana ufunyanwa njani;
- 3.6 uzwisise bona ingabe i-DPWRT izokusebenza ilwazi lomuntu siqu, umnqopho wokusetjenzwa kwelwazi lomuntu siqu kanye nehlathululo yeengaba zabantu nelwazi labo siqu kanye nezelwazi namkha iingaba zelwazi eliphathelene nabo;
- 3.7 wazi bona i-DPWRT ihlele ukudlulisela namkha ukusebenza ilwazi lomuntu siqu ngaphandle kweRiphabliki yeSewula Afrika kanye nabamukeli namkha iingaba zabamukeli abanganikelwa ilwazi lomuntu siqu; begodu
- 3.8 wazi bona ingabe i-DPWRT inawo amagadango wokuphepha afaneleko wokuqinisekisa ukugcinwa kwefihlo, ukuthembeka kanye nokutholakala kwelwazi lomuntu siqu elizokusetjenzwa.

4. UKUSUNGULWA kwe DPWRT

- i) NgokweTjhejuli yesi-4 yomThethosisekelo, umNyango wezemiSebenzi yomBuso yindawo yokusebenza kanye kanye kwesibethamthetho sesiTjhaba neseemFunda “kwaphela mayelana neendingo zeminyango karhulumende wesitjhaba/weemfunda ekwenzeni iimbopho zazo zokuphatha imisebenzi khulu khulu ezinkelwe yona ngokomThethosisekelo namkha nanyana ngimuphi umthetho”. Ngokusebenzia igunya lakhe langokomThethosisekelo, uNdunakulu usungula i-DPWRT kobana ihlinzekele beyiphathe iindlela, inarha neemakhiwo yesifunda kanye nokufaka

isandla emnqopheni wesifunda wokudala imisebenzi nokuqedo umthago ngeHlelo eliNabisiweko lezemiSebenzi yomPhakathi.

- ii) Ngakwelinye ihlangothi, zokuThutha msebenzi owaphasiswako nowenziwa kizo zoke iingaba zakarhulumende. NgokomBikomthethokambiso womGomo wezokuThutha wesiTjhaba, umNyango unesibopho sokuhlinzekela imisebenzi kanye nomthangalasisekelo wezokuthutha ophephileko, othembekileko, oyipumelelo, osebenza kuhle nohlanganiswe ngokupheleleko ozokuhlangabeza ngcono iindingo zamakhastama wemithwalo nabakhweli ekuthuthukiseni amazinga wokusebenza kanye neendleko ngendlela esekela amaqhinga karhulumende wokuthuthukiswa komnotho nehlakuhle ngesikhathi zinzinzile ngokomnotho nangokwebhoduluko.

4.1. IMINQOPHO/IGUNYA

4.1.1 Inembombono

“Irherho elihlangeneko lomthangalasisekelo nezokuthutha elithuthukisa ukuthuthukiswa kwezomnotho nehlakuhle.”

4.1.2 Umnqopho

- 4.1.2.1 Ukuhlinzekela ngerherho elihlangeneko, elithembekako nelingabiziko lezokuthutha elihlangabeza iindingo zokuthuthukisa zesiFunda;
- 4.1.2.2 Ukwethula umthangalasisekelo othuthukisa ukuthuthuka okunzinzieko komnotho kanye nokudalwa kwemisebenzi.

4.1.3 Amagugu

- 4.1.3.1 **Ukuziphendulela:** Ukulalela, ukuzwisia nokwethulela woke amakhastama, Angaba mphakathi, ibubulo namkha iminyango ematlayenti;
- 4.1.3.2 **Ukudzimelela emigomeni:** Ukuzibophelela ekusebenzeni phrofetjhinali, ukugcina ifihlo, ukuziphatha kuhle, ukuba tjhatjhala kanye nokungathathi ihlangothi;
- 4.1.3.3 **Ukusebenzisana:** Abantu bethu basebenza budisi ukuqiniseki ukuqinisekisa Bona umNyango wethula imisebenzi yawo
- 4.1.3.4 **Ukutlhama:** Ukuthola iindlela ezitja zokwethula izenzelwa ezisebenza kuhle, ezelungele umnqopho nezingabiziko kanye
- 4.1.3.5 **Nobuhle:** Ukuthuthukisa isiko nemigomo ematshwayo ngobuHle nangekghono lomsebenzi.

5. UKWAKHEKA KANYE NEMISEBENZI YE-DPWRT

5.1 IDAYAGRAMU YEHLELO LESAKHIWO SEZINGA ELIPHEZULU (Qala isiThasiselo - B, ekhlasini lama-29.)

5.2 IMISEBENZI YOMNYANGO (Qala isiThasiselo C & D, ekhlasini lama-30 nama 31)

6. IMINININGWANA EQAKATHEKILEKO YOKUTHINTANA YOKUFUMANA ILWAZI E-DPWRT

Ihloko yomNyango iyindawo yazo zoke iimbawo zelwazi. Imininingwana yakhe yokuthintana ingendlela elandelako:

6.1 Isiphathiswa seLwazi:

Ibizo:	Nom Charles Morake Morolo
Umtato:	(013) 766 6663/6554
I-imeyila:	Morolo@mpg.gov.za

6.2 ISekela lesiPhathiswa seLwazi

Ibizo:	Nom Sikhumbuzo Barnard Mona
Umtato:	(013) 766 6115/6798
I-imeyila:	BMona@mpg.gov.za

6.3 I-Ofisi eKulu

Isiphande seposi:	Mnyango wemiSebenzi yoMbuso, lindlela nezokuThutha Private Bag X11310 MBOMBELA 1200
-------------------	--

Isiphande sendawo	Rhino Building Government Boulevard Riverside Park, Ext. 2 MBOMBELA 1200
-------------------	--

Umtato:	013 766 6554/6115
I-imeyila:	BMona@mpg.gov.za
Iwebhusayidi:	htt://dpwrt.mpg.gov.za

6.4 Imininingwana yokuThintana yama-Ofisi wesiYingi

<p>IHloko yesiYingi: I-Ofisi lesiYingi seGert Sibande Corner Joubert and Robertson Street Batho Pele Building Ermelo 2350 Private Bag x 9034 Ermelo 2350 Inomboro yomtato: 017 801 4000/4600 I-imeyila: FSengwayo@mpg.gov.za</p>	<p>IHloko yesiYingi: I-Ofisi lesiYingi seBohlabela Indlela ekulu ehlalu kweGaraji kaRhulumende nemaThuneni Private Bag X1313 Thulamahashi 1365 Inomboro yomtato: 013 773 0334/8300 I-imeyila: MKhuvutlu@mpg.gov.za</p>
<p>IHloko yesiYingi Ama-Ofisi wesiYingi seNkangala Building 7 & 8, Solomon Mahlangu Drive Kwamhlanga Government Complex Kwamhlanga 1022 Private Bag x 4015 Kwamhlanga 1022 Inomboro yomtato: 013 947 2593/9006/2311 <u>Smam@mpg.gov.za</u></p>	<p>IHloko yesiYingi I-Ofisi lesiYingi se-Ehlanzeni 14 Bester Street Mbombela 1200 Private Bag x11226 Mbombela 1200 Inomboro yomtato: 013 762 5600/04 <u>MLMamaro@mpg.gov.za</u></p>

7. IKAMBISO YOKUFUMANA AMAREKHODI APHETHWE YI-DPWRT

- 7.1 Kunamarekhodi atholakala ngokuzenzakalela begodu umkhombeli akathogi ukuzalisa iForomu kobana awafumane. Lokhu kukhulunye ngakho ePhuzwini le-11 ngenzasi. Mayelana nanyana ngimaphi amarekhodi angakacaciswa ngaphasi kwePhuzu le-11, umkhombeli kufanele ethule isibawo sakhe ngokusebenzia IFOROMU 2 (elinamathiselweko). Ngokutholwa kweFOROMU 2 elizaliswe kuhle, isiPhathiswa seLwazi/iSekela lesiPhathiswa seLwazi okwenziwe kiso isibawo namkha esidluliselwe kiso, sizakumphendula msinyana ngendlela ekukghoneka ngayo, kodwana ingasi ngemva kwamalanga ama-30.
- 7.2 Nokho-ke isiPhathiswa seLwazi singakhombela bona singezelelelw ngamalanga ama-30 womsebenzi kodwana kwaphela nangabe:
- (a) isibawo ngesenani elikhulu lamarekhodi namkha sifuna bona kufunwe inani elikhulu lamarekhodi begodu ngaphandle kokungezelelw isikhathi, ukufunwa lokhu kuzokuphazamisana nemisebenzi ejayelekileko yehlangano ethintekako;
 - (b) isibawo sitlhoga ukufuna amarekhodi we-ofisini lehlangano leyo elingekho edorobheni namkha edorojaneni elifanako begodu ngeze saqedwa emalangenii ama-30; begodu/namkha

- (c) Sifuna izinga lokubonisana kobana kuthathwe amagadango ngesibawo esingekhe saqedwa ngamalanga ama-30 womsebenzi.
8. **IHLATHULULO YEEMPENGU ZOKE EZIKHONA MAYELANA NOMTHETHO NAMKHA UKWEHLULEKA UKWENZA KOMNYANGO WEZEMISEBENZI YOMMBUSO, IINDLELA NEZOKUTHUTHA**

(a) Isibilayezo sangaphakathi

- (i) Umkhombeli namkha omunye umuntu obandakanyekako, ngokwesigaba sama-74, angenza isibilayezo sangaphakathi neLunga lomKhandlu wesiGungu (Member of the Executive Council (MEC) le-DPWRT nangabe akavumelani nesinye nesinye isiqunto esithathwe siPhathiswa seLwazi/liSekela lesiPhathiswa seLwazi sokwala isibawo begodu ukwala lokho akususelwa kunanyana ngisiphi isizathu esihlathululwe emThethweni; namkha nokuphikisana nesibawo kanye neembadalozokufumana, namkha isikhathi esiluliweko sokuqalana nesibawo. Umkhombeli kufanele enze isibilayezo ngokuzalisa ngokuthi "UKUVULA ISIBILAYEZO KWANGAPHAKATHI" esinamathiselwe lapha njengeFOROMU 4.
- (ii) Isibilayezo sangaphakathi kufanele senziwe emalangeni ama-60 ukusuka ngelanga lokwaliwa kwesibawo kanye nemalangeni ama-30 womsebenzi ngemva kokunikela omunye umuntu obandakanyekako isaziso sesiqunto esibilayezwako. Isibilayezo kufanele sethulwe namkha sithunyelwe esiphandeni, namkha esiphandeni sethungelelwanohlanganiso sesiPhathiswa seLwazi.

(b) Ikambiso yokunghonghoyila esiya kumLawuli weLwazi

- (i) Omunye nomunye umuntu angethula isinghonghoyilo kumLawuli ngendlela eqintelweko enze iinsolo zokucabhela ekuvikelweni kwelwazi lakamnikazi wemininingwana namkha nangabe akakaneliseki nesiqunto sakamahluleli.
- (ii) Isinghonghoyilo esiya kumLawuli kufanele senziwe ngokutlola begodu iforomu lesinghonghoyilo kufanele lizaliswe, kungaba ngezandla namkha kuthungelelwano. Iforomu lesinghonghoyilo, IFOROMU 5, lingakhutjhwa kuwebhusayidi kamLawuli, "<https://www.justice.gov.za/inforeg/>"
- (iii) Lokhu kutjho bona umLawuli ngeze asamukele isinghonghoyilo somtato; ngakho-ke, umLawuli kufuneka bona anikele isizo elifaneleko komunye nomunye umuntu ofuna ukwenza isinghonghoyilo begodu lokhu kufaka hlangana isizo elimayelana nokuzalisa kweforomu lesinghonghoyilo.

(c) Ikambiso yokuya ekhotho

- (i) Nangabe umkhombeli namkha omunye umuntu obandakanyekako ofuna ukutjhijila ukwaliwa kwesibawo se-PAIA ngemva kokuqedza zoke iinsombululo zangaphakathi, ngendlela yesibawo begodu nemalangeni ali-

180 angenza isibawo esiya eKhotho kaMarhastrada mayelana nesizo elifaneleko ngokwesigaba sama-82 somThetho.

9. UMHLAHLANDLELA NGOKUSETJENZISWA KWE-PAIA NOKOBANA UTHOLAKALA BUNJANI UMHLAHLANDLELA

- 9.1. UmLawuli, ngokwesigaba se-10(1) se-PAIA, ubuyekeze begodu wenza bona kutholakale umHlahlandlela obuyekeziweko wendlela yokusebenzisa i-PAIA (“Umhlahlandlela”), njengombana ubuthelelw yi-SAHRC ekuthomeni, begodu ungafunwa mumuntu ofuna ukusebenzisa nanyana ngiliphi ilungelo elitjhejwe ku-PAIA ne-POPIA.
- 9.2 Umhlahlandlela utholakala ngelimi ngalinye elisemthethweni.
- 9.3 Umhlahlandlela ekukhulunywa ngawo umumethe ihlathululo:
- 9.3.1 yeminqopho ye-PAIA ne-POPIA;
- 9.3.2 Isiphande seposi nesendlela, umtato nangabe ukhona, isiphande se-imeyila:
- 9.3.2.1 yesiPhathiswa seLwazi sazo zoke iinhlangano zombuso kanye
- 9.3.2.2 nawo woke amaSekela weemPhathiswa zeLwazi wazo zoke iinhlangano zombuso nezangeqadi anyulwe ngokwesigaba 17(1) se-PAIA kanye nesigaba sama-56 se-POPIA;
- 9.3.3 Indlela yokufaka isibawo:
- 9.3.3.1 sokufunyanwa kwerekhodi lehlangano yomphakathi etjhejwe esigabeni se-11 se-PAIA; kanye
- 9.3.3.2 sokufunyanwa kwerekhodi lehlangano yombuso etjhejwe esigabeni sama-50 se-PAIA;
- 9.3.4 sesizo elitholakala kusiPhathiswa seLwazi sehlangano yombuso ngokwe-PAIA ne-POPIA;
- 9.3.5 isizo elitholakala kumLawuli ngokwe-PAIA ne-POPIA;
- 9.3.6 zoke iinsombululo ezikhona emthethweni mayelana nokwenza namkha ukubhalelw kuthatha amagadango mayelana nelungelo namkha ukwenza umsebenzi onikelweko namkha obekwe yi-PAIA ne-POPIA, ukubandakanya nendlela yokufaka:
- 9.3.6.1 isibilayezo sangaphakathi;
- 9.3.6.2 isinghonghoyilo esiya kumLawuli; kanye
- 9.3.6.3 nesibawo sekhotho esiphikisa isiqunto sesiPhathiswa seLwazi sehlangano yombuso, isiqunto ngesibilayezo sangaphakathi namkha isiqunto somLawuli namkha isiqunto seholoko yehlangano yangeqadi;
- 9.3.7 iindinyana zesigaba se-14 nesama-51 zifuna bona ihlangano yombuso kanye nehlangano yangeqadi, ngokulandelana, bona zibuthelele imanuwali, kanye nendlela yokobana imanuwali le ifumaneka njani;

- 9.3.8 iindinyana zesigaba se-15 nesama-52 se-PAIA zitjheje ukuvezwa ngokuzithandela kweengaba zamarekhodi yiHlangano yomphakathi kanye neHlangano yangeqadi, ngokulandelana;
- 9.3.9 izaziso ezinikelwako ngokwesigaba sama-22 nesama-54 se-PAIA mayelana neembadalozufanele zibhadelwe ngokuphathelene neembawo zokufumana; kanye
- 9.3.10 nemithetholawulo eyenziwe ngokwesigaba sama-92 se-PAIA.
- 9.4 Amalunga womphakathi angahlola namkha enze amakhophi womHlahlandela ema-ofisini weenHlangano zombuso namkha zangeqadi ukubandakanya ne-ofisi kamLawuli, ngama-iri womsebenzi. Umhlahlandela ungfumanwa:
- 9.4.1 ngokwenza isibawo esiya kusiPhathiswa seLwazi;
- 9.4.2 kuwebhusayidi kamLawuli (“<https://www.justice.gov.za/inforeg/>”).
- 10. IHLATHULULO YEENHLOKO ZAMAREKHODI APHETHWE YIHLANGANO KANYE NEENGABA ZAMAREKHODI APHETHWE YI-DPWRT**
- 10.1 linhloko neengaba zamarekhodi aphethwe mNyango zifaka hlangana okulandelako:

linhloko umNyango ophethe ngazo amarekhodi:	lingaba zamarekhodi aphethweko wesihloko ngasinye:
I-Ofisi ka-MEC	<ul style="list-style-type: none"> UmGomo neenKulumo ngeSabelo seemali
ZokuThintana	<ul style="list-style-type: none"> lmininingwana yokuthintana yomNyango lincwajana lincwadi zeendaba lntatimende zapaphephandaba lntatimende zeembikiindaba Ukwethulwa kwezenzelwa nemibuzo yomphakathi
Amaqhinga webhizinisi	<ul style="list-style-type: none"> linkhundla ezikhangisiweko ImiBiko yokuQatjha ngokuLinganako IHlelo lokwenza ngcono ukwethulwa kwezenzelwa Amarekhodi womsebenzi Amakghono namaHlelo wokuThuthukisa UmThetho wokuKhuthazwa kokuFumaneka kweLwazi - imanuwal ye-(PAIA) IHlelo leLwazi lokuSebenza
Ukuhlelwa kwamaqhinga	<ul style="list-style-type: none"> Amahlelo wokuSebenza woNyaka AmaHlelo wamaQhinga Amahlelo wokusebenza
UkuTjheja nokuHlaziya	<ul style="list-style-type: none"> ImiBiko yonyaka ImiBiko yokuSebenza yaqobe ngeKota
UkuPhathwa kweeMali	<ul style="list-style-type: none"> Amathenda/ukukhangisa/okumenyezelweko AmaBhidi aTlonyelisiweko lmitlolo yokuthenga Izethulo ze-MTEF
UkuThuthukiswa komGomo	<ul style="list-style-type: none"> Imigomo yomNyango
Izenzelwa zomthetho	<ul style="list-style-type: none"> Imiyalelo yomNyango
EPWP	<ul style="list-style-type: none"> IRhubhululo lokuHlaziya le-EPWP lang-2016
Umthangalasisekelo wezokuThutha	<ul style="list-style-type: none"> Abomebhe bendlela nemiTlamo

11. IINGABA ZAMAREKHODI WE-DPWRT ATHOLAKALA NGAPHANDLE KOBANA UMUNTU AKHOMBELE UKUWAFUMANA.

ISIGABA:	UMHLOBO WOMTLOLO:	Uyatholakala kuwebhusayidi:
lincwadi	<ul style="list-style-type: none"> Imininingwana yokuthintana yomNyango lincwadi zeendaba 	X X
Imitlolo yamaQhinga	<ul style="list-style-type: none"> IHlelo lamaqhinga IHlelo lokuSebenza loNyaka 	X X
AmaHlelo wokuSebenza kanye nemiBiko	<ul style="list-style-type: none"> ImiBiko yonyaka 	X
linkomba zangaphakathi	<ul style="list-style-type: none"> Imigomo IManuwali ye-PAIA 	X X
Imiyalelo	<ul style="list-style-type: none"> ImiThetho, imiThetholawulo yomNyango 	X
Imitlolo yamaThenda	<ul style="list-style-type: none"> AmaThenda aKhangisiweko 	X
Amarekhodi we-HR	<ul style="list-style-type: none"> linkundla ezikhangisiweko 	X
Izabelo zeemali neenKulomo	<ul style="list-style-type: none"> UmGomo neenKulomo ngeSabelo seemali 	X

12. UKUSETJENZA KWELWAZI LOMUNTU SIQU KANYE/NAMKHA KWAMAREKHODI

12.1 UMNQOPHO WOKUSETJENZA

12.1.1 I-DPWRT iseenza ilwazi lomuntu siqu mayelana noku:-

12.1.1.1 Zalisekisa namkha ukwenza iimbopho zayo zangokomthetho ngaphasi kwe-PAIA ne-POPIA, ngoku-

- (a) fumana iinghonghoyilo;
- (b) phenya iinghonghoyilo;
- (c) setjenzwa kwesibawo esimayelana -
- (i) nemigomo yokuziphatha;

12.1.1.2 Ukuphathwa kweensebenzi kanye nabafake iimbawo zomsebenzi;

12.1.1.3 Ukubekwa kwama-akhawundi namarekhodi;

12.1.1.4 Ikambiso yokuthenga;

12.1.1.5 Ukuhambisana neminye imithetho efaneleko efana ne-PFMA, imiThetholawulo engaphasi kwayo kanye namaNothi wemiLayelo yeZiko leeMali lakaRhulumende, umThetho wezemiSebenzi kaRhulumende begodu nokungapheleli kumThetho wePhiko lezamaRekhodi wesiTjhaba.

12.2 UKUHLATHULULWA KWEENGABA ZABANTU NELWAZI LABO SIQU KANYE NEZELWAZI NAMKHA IINGABA ZELWAZI ELIPHATHELENE NABO

12.2.1 I-DPWRT ingasebenza imininingwana yedatha ngendlela elandelako:

lingaba zabaNikazi bemiNiningwana:	Ilwazi lomuntu siqu elingahle lisetjenzwe:
Abanikeli bezenzelwa abanekontraga	Amabizo wabantu ekuthintanwa nabo; ibizo lehlangano; imininingwana yebhanka kanye nenomboro kamsabalalisi, ibizo labanqophisi nabananizabelo, isiphande sendawo neseposi kanye nemininingwana yokuthintana [iinomboro zokuthintana, inomboro yefeksi, isiphande se-imeyila]; inomboro yokutlolisa yekhamphani, imitlolo yokusungula; ilwazi eliphathelene nomthelo; abatlikitli abagunyaziweko, ubujamo bokuthuthukiswa okubanzi kwabanzima ngokomnotho (broad-based black economic empowerment (B-BBEE), iinhlangano ezisebenzisanako, amaqhingga wamabhizinisi/iphrofayili yekhamphani.
linsebenzi	Ubulili, amathatho; ubuhlanga, iminyaka yobudala, ilimi, ilwazi lefundu (iziqu); umlando wokusebenza; iinomboro ze-ID; isiphande sendawo neseposi; imininingwana yokuthintana [iinomboro zokuthintana, inomboro yefeksi, isiphande se-imeyila]; irekhodi lobulelesi; ubutjhaba, ukukhubazeka, umlando wokusebenza, amareferensi.
linHlangano zamaTeksi	Imininingwana yabaTjhayeli bamaTeksi abawela ngaphasi kweHlangano ethileko yamaTeksi.

12.3 ABAMUKELI NAMKHA IINGABA ZABAMUKELI ABANGAHLE BANIKELWE ILWAZI LOMUNTU SIQU

Isigaba selwazi lomuntu siqu:	Abamukeli:
Inomboro kamazisi, imigadangiso yemino kanye nokugunyazwa kwezokuphepha	IPhiko lesiPholisa seSewula Afrika
Inomboro kamazisi kanye namabizo wesisebenzi esiphenywako	Ama-Hawks/ iPhiko IokuPhenya lomBuso, iPhiko lesiPholisa leSewula Afrika

12.4 UKUKHAMBA OKUHLELIWEKO KWEDATHA YOMUNTU SIQU UKUSUKA KWENYE INARHA UKUYA KWENYE

12.4.1 I-DPWRT ayikakuhleli ukukhamba kwedatha yomuntu siqu ukusuka kwenye inarha ukuya kwenye. Ngakho-ke, nakwenzeka kutlhogeke ukudluliselwa kwelwazi lomuntu siqu ngakwenye inarha ngananyana ngimiphi iminqopho yangokomthetho, umkhombeli kufanele athobele yoke imithetho yenarha.

12.5. IHLATHULULO EJAYELEKILEKO YAMAGADANGO WOKUVIKELEKA KWELWAZI

12.5.1 I-DPWRT ngokuragela phambili isungula beyigcine amagadango afaneleko, azwisisekako wobuthekniki kanye newokuhlela ngokuthatha amagadango afaneleko, azwisisekako newokuhlela wokukhandela:

12.5.1.1 ukulahlekelwa, ukonakala namkha ukutjhabalalisa okungakagunyazwa kwelwazi lomuntu siqu; kanye

12.5.1.2 nokufumanwa ngokungasimthetho namkha ukusetjenzwa kwelwazi lomuntu siqu.

12.5.2 I-DPWRT ithathe amagadango azwakalako njengombana amumethwe endimeni ye-
12.5.3 ngenzasi woku:-

12.5.2.1 khomba zoke iingozi zangaphakathi nezangaphandle ezingahle zibonakale elwazini lomuntu siqu umnyango oliphetheko namkha elingaphasi kwelawulo lawo;

12.5.2.2 ukusungula nokugcina amagadango afaneleko wokuvikela iingozi ezikhonjiweko;

12.5.2.3 ukuqinisekisa bona amagadango wokuvikela asetjenziswa njalo ngepumelelo; kanye

12.5.2.4 nokuqinisekisa bona amagadango wokuvikela avuselelwa ngokuragela phambili mayelana neengozi ezitja namkha ukuthogeka kwamagadango wokuvikela asetjenziswe ngaphambilini.

12.5.3 Amagadango athethwe yi-DPWRT phakathi kokhunye afaka hlangana –

12.5.3.1 Ukulawula ukufumana;

12.5.3.2 Ukulodlhela idatha;

12.5.3.3 UkuTjheja, ukuHlola iincwadi nokuBika;

12.5.3.4 Idatha yokujamiselela idatha elahlekileko;

12.5.3.5 I-Anti-Virus kanye

12.5.3.6 nemihlangano yokulemukisa.

13. UKUTHOLAKA KWEMANUWALI

13.1 Imanuwali le izokwenziwa bona itholakale ngamalimi amathathu asemthethweni alandelako -

13.1.1 IsiNgisi

13.1.2 IsiSwati;

13.1.3 nesiNdebele

13.2 Ikhophi yeManuwali le namkha ivetjheni ebuyekeziweko yayo nayo itholakala ngendlela elandelako:

13.2.1 ku-: <http://dpwrt.mpg.gov.za>;

13.2.2 e-ofisini ekhulu ye-DPWRT kobana ihlolwe mphakathi ngama-iri ajayelekileko womsebenzi;

13.2.3 kunanyana ngubani nayikhonjelwako begodu

13.2.4 nakumLawuli weLwazi nayikhonjelwako.

13.3 Imbadalo yekhophi yeManuwali, njengombana kutjhejwe kusiThasiselo A izakubhadelwa kukhophi ngayinye, kukhophi eyenziweko yobukhulu be-A4

14. UKUBUYEKEZWA KWEMANUWALI

I-DPWRT, nakunetlhogeko, izobuyekeza beyiveze iManuwali le unyaka nonyaka

IFOROMU 1
ISIBAWO SEKHOPHI YOMHLAHLANDLELA

Ku:- IsiPhathiswa Selwazi

Morolo@mpg.gov.za

Isiphande se-imeyila:

Umnyango weMisebenzi yoMbuso, lindlela nezokuThutha inomboro yomtato: 0137666554

Private Bag x11310

Mbombela, 1200

Amabizo apheleleko:			
Ngesikhundla sami njenge (tshwaya ngo-“x”):	IsiPhathiswa seLwazi	Okhunye	
Ibizo *lehlango yombuso/yangeqadi (nakuthogekako)			
Isiphande seposi:			
Isiphande sendlela:			
Isiphande se-imeyila:			
Ifeksi:			
Inomboro zokuthintana:	Umtat o.(B):	Umaliledi nini:	

Ngikhombela ikhophi (amakhophi) elandelako yomHlahlandela:

Ilimi (tshwaya ngo-“X”)	Inani lamakhophi	Ilimi (tshwaya ngo-“X”)	Inani lamakhophi
Sepedi		Sesotho	
Setswana		siSwati	
Tshivenda		Xitsonga	
IsiBhuru		IsiNgisi	
isiNdebele		isiXhosa	
isiZulu			

Indlela yokutholwa (tshwaya ngo-“x”):

Ukuzilandela ngokwakho	Isiphande seposi	Ifeksi	Ukuthintana bu-elektroniki (Sikhombela ucacise)

Litlikitlw e _____ ngomhlaka _____ ku _____ 20 _____

Umtlikitlo kamkhombeli

IFOROMU 2

ISIBAWO SOKUFUMANWA KWEREKHODI [UmThetholawulo 7]

YELELA:

1. *Ubufakazi bakamazisi kufanele bunamathiselwe mkhombeli.*
2. *Nangabe iimbawo zenziwe ngokujamela omunye umuntu, ubufakazi bokugunyazwa lokho kufanele bunamathiselwe eforomini leli.*

Ku-: *IsiPhthiswa selwazi

Isiphande se-imeyila:

.....
.....
.....

Tshwaya ngo-X

Isibawo senziwa ngebizo lami

Isibawo senzelwa omunye umuntu.

ILWAZI LOMUNTU SIQU

Amabizo apheleleko				
Inomboro kamazisi				
Isikhundla okwenziwa ngaso isibawo (nasenzelwa omunye umuntu)				
Isiphande seposi				
Isiphande sendlela				
Isiphande se-imeyila				
Imininingwana yokuthintana	Umtato (W):		Umaliledi nini:	
Amabizo apheleleko womuntu owenzelwa isibawo (nakutlhogekako):				
Inomboro kamazisi				
Isiphande seposi				
Isiphande sendlela				
Isiphande se-imeyila				
Imininingwana yokuthintana	Umtato (W)		Umaliledi nini:	

IMINININGWANA YEREKHODI ELIKHONJELWAKO

Nikela imininingwana epheleleko yerekhodi ekukhonjelwa ukulifumana, ukufaka hlangana nereferensinamba nangabe iyaziwa, kobana irekhodi litholakale. (Nangabe isikhala esinikelweko asaneli, sikhombela uragele phambili ekhasini elihlukileko bese ulinamathisela kileliforomu. Woke amakhasi wokungezeleta kufanele atlikitiwe.)

Ihlathululo yerekhodi namkha ingcenyefaneleko yerekhodi:	
Ireferensinamba, nangabe ikhona	
Eminye imininingwana yerekhodi	

UMHLOBO WEREKHODI

(Tshwaya ibhoksi elifaneleko ngo-X")

Irehodi lingendlela etloliweko namkha eprinthiweko	
Irehodi linemifanekiso esabukhona (lokhu kufaka hlangana iinthombe, amaslayidi, imigadangiso yevidiyo, imifanekiso eyenziwe ngomtjhiningqondo, iinketjhe, njll.)	
Irehodi limumethe amagama arekhodiweko namkha ilwazi elingakhiqizwa godu ngomdumo	
Irehodi liphethwe kumtjhiningqondo namkha ngendlela ebu-elektroniki namkha efundwa mtjhini	

INDLELA YOKUFUMANA

(Tshwaya ibhoksi elifaneleko ngo-X")

Ikhophi eprinthiweko yerekhodi (ukufaka hlangana namakhophi asabukhona, ukukhuphela kanye nelwazi eliphethwe kumtjhiningqondo namkha ngendlela ebu-elektroniki namkha efundwa mtjhini)	
Ukukhuphela okutloliweko namkha okuprinthiweko kwemifanekiso ebonakalako (lokhu kufaka hlangana iinthombe, amaslayidi, imigadangiso yevidiyo, imifanekiso eyenziwa ngomtjhiningqondo, amasketjhi, njll.)	
Ukukhutjhelwa kweengoma (ezitloliweko namkha umtlolo oprinthiweko)	
Ikhophi yerekhodi eliku-flash drive (ukufaka hlangana nemifanekiso ebonakalako neengoma)	
Ikhophi yerekhodi eliku-compact disc drive (ukufaka hlangana nemifanekiso ebonakalako kanye neengoma)	
Ikhophi yerekhodi elibulungwe kusithwalithungelelwano sebulungelo le-cloud	

INDLELA YOKUFUMANA
(Tshwaya ibhoksi elifaneleko ngo-X")

Ukuhlola wena siqu irekhodi esiphandeni esitlolisiweko sehlangano yombuso/yangeqadi (ukufaka hlangana nokulalela amagama arekhodiweko, ilwazi elingakhiqizwa godu ngomdumo, namkha ilwazi eliphethwe kumtjhiningqondo namkha ngendlela ebu-elektroniki namkha ngendlela efundekako ngomtjhini)

Izenzelwa zeposi ukuya esiphandeni seposi

Izenzelwa zeposi ukuya esiphandeni sendlela

Izenzelwa zekhoriya ukuya esiphandeni sendlela

Ifeksi yelwazi elitloliweko namkha eliprinthiweko (ukufaka hlangana nokukhuphela)

I-imeyila yelwazi (ukufaka hlangana neengoma nakukghonekako)

Ukwabelana nge-Cloud/ukudluliselwa kwamafayili

Ilimi elenyulwako

(Yelela bona nangabe irekhodi alitholakali ngelimi olenyulako, ukufumanwa kwalo kunganikelwa ngelimi elitholakala ngalo)

IMININGWANA YELUNGELO EKUFANELE LISETJENZISWE NAMKHA LIVIKELWE

Nangabe isikhala esinikelweko asaneli, sikhombela uragele phambili ekhasini elihlukileko bese ulinamathisela kileliForomu. Umkhombeli kufanele atlikitle woke amaphepha wokungezelela.

Tjengisa bona
ngiliphi ilungelo
ekufanele
lisetjenziswe namkha
livikelwe

Hlathulula bona
kubayini irekhodi
elikhonjelweko
lifunelwa
ukusebenzisa
namkha ukuvikela
ilungelo
elihlathululwe
ngehla:

IIMBADALO

- a) *Imbadalo yesibawo kufanele ibhadelwe ngaphambi kobana isibawo sitjhejwe.*
- b) *Uzokwaziswa ngenani lembadalo yokufumana ekufanele ibhadelwe.*
- c) *Imbadalo ebhadelwako yokufumana irekhodi isime eforomini ekufunwa ngalo kanye nesikhathi esifunekako ukufuna nokulungisa irekhodi.*
- d) *Nangabe ukulungele ukukhululwa ekubhadeleni nanyana ngiyiphi imbadalo, sikhombela uveze isizathu sokukhululwa*

Isizathu	

Uzokwazisa ngokutlolelwa bona ingabe isibawo sakho sivunyiwe namkha saliwe begodu nangabe sivunyiwe iindleko eziphathelene nesibawo sakho, nangabe zikhona. Sikhombela utjengise indlela yakho oyenyulako yokuthintana:

Isiphande seposi	Ifeksi	Ukuthintana bu-elektroniki (Sikhombela ucacise)

Litlikitwe e _____ ngomhlaka _____ ku _____ 20

Umtlikitlo kamKhombeli/ womuntu owenzelwa isibawo

KWE-OFISI KWAPHELA

<i>Ireferensinamba:</i>	
<i>Isibawo samukelwe ngu-:</i> <i>(Yitjho isiKhundla, Ibizo nesibongo sesiPhathiswa seLwazi)</i>	
<i>Ilanga esifumenwe ngalo:</i>	
<i>limbadalo zokufumana:</i>	
<i>Idiphozithi (nangabe ikhona):</i>	

Umtlikitlo wesiPhathiswa seLwazi

ISITHASISELO A

[limbadalo]
limbadalo ezimayelana neenHlangano zomBuso

	Ihlathululo	Imali
1.	Imbadalo yesibawo ebhadelwa ngiwo woke umkhombeli	R100.00
2.	Ikhophi yobukhulu be-A4	R1.50 ikhasi ngalinye namkha ingceny e yalo.
3.	Ikhophi eprinthiweko yobukhulu be-A4	R1.50 ikhasi ngalinye namkha ingceny e yalo.
4.	Ikhophi engendlela efundwa mtjhiningqondo ku-: (i) Flash drive (izokunikelwa mkhombeli) (ii) Compact disc <ul style="list-style-type: none">• Nangabe inikelwe mkhombeli• Nangabe inikelwe mkhombeli	R40.00 R40.00 R60.00
5.	Ukukhuphelwa kwemifanekiso ebonakalako yekhasi lobukhulu be-A4	Izenzelwa ezizokwenziwa msabalalisi wangaphandle.
6.	Ikhophi yemifanekiso ebonakalako	Zizokuya ngekhotheyitjhini kamnikeli wezenzelwa.
7.	Ukukhuphelwa kwerekhodi elilalelwako, lobukhulu be-A4 ngalinye	R24.00
8.	Ikhophi yerekhodi elalelwako ku-: Flash drive (izokunikelwa mkhombeli) (ii) Compact disc <ul style="list-style-type: none">• Nangabe inikelwe mkhombeli• Nangabe inikelwe mkhombeli	R40.00 R40.00 R60.00
9.	Ukufuna nokulungisa irekhodi elizokuvezwa i-iri ngalinye namkha ingceny ye-iri, ngaphandle kwe-iri lokuthoma, elifunekako ngokuzwisisekako ekufuneni nekulungiseni lokho. Zingeqi iindleko ezipheleleko zama-:	R300.00
10.	Idiphozithi: Nangabe ukufuna kudlula ama-iri asi-6	Isithathu sinye semali yesibawo ngasinye sibalwa ngokwengceny e yesi-2 ukufika kweyobu-8.
11.	Iposi, i-imeyila namkha nanyana ngikuphi ukudlulisela bu-elektroniki:	lindleko ezithogekako nangabe zikhona.

Imali kufanele ibhadelwe ku-akhawundi yeBhanka elandelako:

Ibizo lebhanka:

ABSA

Ibizo lomnikazi we-akhawundi:

Umnyango wemiSebenzi yoMbuso, lindlela nezokuThutha

Umhlobo we-akhawundi:

Cheque or current

Inomboro ye-akhawundi

4103036510

Ikhowudi yegatja:

63005

Ireferensinamba:

Ireferensi namba yerekhodi nangabe yaziwa namkha iBizo lomKhombeli kanye nesiBongo

Imeyila ubufakazi bokubhadela ku-: Morolo@mpg.gov.za or BMona@mpg.gov.za

Ikhetjhi ibhadelwa:

I-Ofisi eKulu
UmNyango wezemiSebenzi yoMbuso, lindlela neekuthutha
Riverside Government Complex
Rhino Building (First Floor)
No 7, Government Boulevard
Departmental Cashier
MBOMBELA
1200;

UmNyango wezemiSebenzi yoMbuso, lindlela neekuthutha
I-Ofisi lesiYingi seGert Sibande (I-ofisi yekhetjhi)
Corner Joubert and Robertson Street
Batho Pele Building
Ermelo
2350;

Ama-Ofisi wesiYingi seNkangala (I-Ofisi lekhetjhi)
Building 7 & 8, Solomon Mahlangu Drive
Kwamhlanga Government Complex
Kwamhlanga
1022;

Steve Tshwete Cost Centre (I-Ofisi lekhetjhi)
Cnr. Lillian Ngoyi and Dr Beyers
Naudé Streets, Old TPA Building,
Upper ground floor,
Office Numbers. A20, 21 and 25
Middelburg
1050;

I-Ofisi lesiYingi seBohlabela (I-Ofisi lekhetjhi)
Indlela ekulu ehlalu kweGaraji kaRhulumende nemaThuneni
Thulamahashi
1365;

I-Ofisi yesiYingi se-Ehlanzeni (I-Ofisi yeKhetjhi)
14 Bester Street
Mbombela
1200

Down town Reduction Works (I-Ofisi lekhetjhi)
Pilgrims Rest
1290

Ihlathululo yeembadalo kufanele ifundele bunjesi: **zokuThengisa/Gadangisa (PAIA)**

<p>Ngemva kokubhadela thumela isaziso se-imeyila ku-:</p> <p>IO: Isiphande se-imeyila: Morolo@mpg.gov.za Inomboro yomtato (013) 766 6663</p> <p>NAMKHA</p> <p>DIO: Isiphande se-imeyila: BMona@mpg.gov.za Inomboro yomtato (013) 766 6115</p>	
<p>6. Ngomnqopho wesigaba sama-22(8) somThetho, abantu abalandelako bakhululiwe ekubhadeleni imbadalo yokufumana etjhejwe esigabeni sama-22(6) so mThetho:</p> <ul style="list-style-type: none"> (i) Umuntu ongakatjhadi wengeniso lonyaka ngemva kokudoswa kwemali Okuvunyelweko njenge-PAYE ne-UIF ayeqi kuma-R 14 712,00 qobe ngonyaka; bese (ii) Abantu abatjhadileko namkha umuntu nomlinganakhe ingeniso labo lonyaka, ngemva kokudoswa kwemali okuvunyelweko ekukhulunya ngakho kuTjhejuli yesaziso lesi kwenziwe, ayeqi kuma-R27 192,00 qobe ngonyaka. 	

IFOROMU 4

ISIBILAYEZO SANGAPHAKATHI [UmThetholawulo 9]

Ireferensinamba:
(Inomboro yokutlolisa)

IMININGWANA YEHLANGANO YOMBUSO				
Ibizo leHlangano yomBuso				
Ibizo nesiBongo sesiPhathiswa seLwazi:				
IMININGWANA KAMNGHONGHOYILI OWENZA ISIBILAYEZO SANGAPHAKATHI (Nangabe senziwa ngomunye umuntu obandakanyekako)				
Amabizo apheleleko				
Inomboro kamazisi				
Isiphande seposi				
Imininingwana yokuthintana	Umtato (B)		Ifeksi	
	Umaliledinini			
Isiphande se-imeyila				
Ingabe isibilayezo sangaphakathi senzelwa omunye umuntu?			Iye	Awa
Nangabe ipendulo ngu-"iye", isikhundla okwenzelwa ngaso omunye umuntu isibilayezo sangaphakathi: (Ubufakazi besikhundla isibilayezo esenziwa ngaso, nakutlhogekako, kufanele bunamathiselwe.)				
IMININGWANA YOMUNTU OWENZELWA ISIBILAYEZO SANGAPHAKATHI (Nangabe senziwa ngomunye umuntu obandakanyekako)				
Amabizo apheleleko				
Inomboro kamazisi				
Isiphande seposi				
Imininingwana yokuthintana	Umtato (B)		Ifeksi	
	Umaliledinini			
Isiphande se-imeyila				

ISIQUINTO SOKUPHIKISA ISIBILAYEZO SANGAPHAKATHI ESENZIWA MAYELANA NASO (tshwaya ibhoksi elifaneleko ngo- "X")	
Ukwaliwa kokufumanwa kwerekhodi	
Isiquinto mayelana neembadalo eziqintelwe ngokwesigaba sama-22 somThetho	
Isiquinto esimayelana nokungezelelwa kwesikhathi isibawo ekufanele isibawo kuqalanwe naso ngaso ngokwesigaba sama-26(1) somThetho	
Isiquinto ngokwesigaba sama-29(3) somThetho sokwala ukufumana eforomini elikhonjelwe mkhombeli	
Isiquinto sokuvuma isibawo sokufumana	
IINZATHU ZESIBILAYEZO <i>(Nangabe isikhala esinikelweko asaneli, sikhombela uragele phambili ehasini elihlukileko bese ulinamathisela kileliforomu. woke amaphepha wokungezelela kufanele atlikitlw)</i>	
Nikela iinzathu ekususelwa kizo isibilayezo sangaphakathi:	
Nikela nanyana ngiliphi ilwazi elingahle libe lisizo ekutjhejweni kwesibilayezo:	

Uzokwaziswa ngokutlolelwa ngesiquinto esimayelana nesibilayezo sakho sangaphakathi. Sikhombela utjengise indlela yakho oyenylako yokwaziswa:

Isiphande seposi	Ifeksi	Ukuthintana bu-elektroniki (Sikhombela ucacise)

Litlikitlw e _____ ngomhlaka _____ ku _____ 20

Umtlikitlo kammangali/womunye umuntu obandakanyekako

KWE-OFISI KWAPHELA
UKUREKHODWA NGOKOMTHETHO KWESIBILAYEZO SANGAPHAKATHI

Isibilayezo samukelwe ngu-: (nikela isikhundla, ibizo nesibongo sesiPhathiswa seLwazi)			
Ilanga esifumenwe ngalo:			
Isibilayezo esiphekelelwa ziinzathu zesiqunto sesiphathiswa selwazi, lapho ekutlhogeka khona, imininingwana yomunye umuntu obandakanyekako irekhodi eliphathelene naye, sethulwe siphathiswa selwazi:			lye Awa


UMPHUMELA WESIBILAYEZO

Ukwaliwa kwesibawo sokufumana. Siqinisekisiwe?	lye Awa	Isiqunto esitja (nangabe asikaqinisekiswa)	
limbadalo (Isigaba sama-22). Siqinisekisiwe?	lye Awa	Isiqunto esitja (nangabe asikaqinisekiswa)	
Ukungezelelwa kwesikhathi (Isigaba sama-26(1)). Siqinisekisiwe?	lye Awa	Isiqunto esitja (nangabe asikaqinisekiswa)	
Ukufumanwa (IsiGaba sama-29(3)). Siqinisekisiwe?	lye Awa	Isiqunto esitja (nangabe asikaqinisekiswa)	
Isibawo sokufumana sivunyiwe. Siqinisekisiwe?	lye Awa	Isiqunto esitja (nangabe asikaqinisekiswa)	


Litlikitiwe e _____ ngomhlaka _____ ku _____ 20

IsiPhathimandla esifaneleko

IDAYAGRAMU YEHLELO LESAKHIWO SEZINGA ELIPHEZULU



IMISEBENZI YOMNYANGO



ISITHASISELO - D

I-OFISI LEHLOKO YOMNYANGO WEZEMISEBENZI YOMBUSO, ZEENDLELA NEZOKUTHUTHA

**UMNQOPHO: UKUPHUMELELISA NGENDLELA ESEBENZAKO NEYIPUMELELO YOKE IMISEBENZI EPHATHELENE
NEZOKUTHUTHA, IINDELA KANYE
NOMTHANGALASISEKELO WOKWAKHA**

IMISEBENZI:

1. Ukuphathe imisebenzi yomthangalasisekelo womphakathi
2. Ukuphathe imisebenzi yezokuthutha
3. Ukuphathe iindaba zomnyango eziphathelene neemali
4. Ukuphathe imisebenzi yokuhlolwa kwangaphakathi kweencwadi.
5. Ukuphathe imisebenzi yokukhandela iingozi
6. Ukuphathe amaqhinga webhizinisi

IINKHUNDLA: 1 x UmPhathi Zombelele PL16
 1 x UmNqophisi PL13
 1 x ISekela lakamNqophisi PL11
 1 x Umsizi kamNqophisi PL9
 1 x IsiPhathiswa sokuPhatha/UmSizi womuntu uqobo PL7
 1 x UNobhala PL5

IGATJA: UMTHANGALASISEKELO WOMPHAKATHI
UMNQOPHO: UKUPHATHA IMISEBENZI YOMTHANGALASISEKELO WOMPHAKATHI
IMISEBENZI:
<ol style="list-style-type: none"> 1. Ukuphathe ukuhlinzekelwa komthangalasisekelo wokwakha kanye nemisebenzi yobuthekniki 2. Ukuphathe ukuhlinzekelwa komthangalasisekelo, ukulondolozwa kanye nemisebenzi yobuthekniki 3. Ukuthuthukisa nokugcina amaqhinga wokuphathe ipahla engatjhidiko, imigomo, imithetho namarhero 4. Ukuphathe nokughonakala ukudalwa kwamatubwa womsebenzi wabantu abathlagako nabangasebenziko esifundeni ngokwethulwa kwezenzelwa zomohakathi
IINKHUNDLA: 1x ISekela lakamNqophisi Jeneral P15 1x UNobhala PL5 1x Umsizi kamNqophisi PL9

IGATJA: UKUPHATHWA KWEZOKUTHUTHA
UMNQOPHO: UKUPHATHA IMISEBENZI YEZOKUTHUTHA
IMISEBENZI:
<ol style="list-style-type: none"> 1. Ukuphathe imisebenzi yezokuthutha 2. Ukuphathe isiphathimandla esilawulako sesifunda 3. Ukuphathe izenzelwa zakarhulumende zeenthuthi
IINKHUNDLA: 1 x ISekela lakamNqophisi Jeneral P15 1 x UNobhala PL5 1 x Umsizi kamNqophisi PL9

IPHIKO: ZOKUKHANDELWA KWENGOZI
UMNQOPHO: UKUNIKELA IKHAMPHANI IMISEBENZI
IMISEBENZI:
<ol style="list-style-type: none"> 1. Ukonikela imisebenzi yezokuthintana 2. Ukonikela izenzelwa zokuphathe ezisemthethweni 3. Ukonikela imisebenzi yokuphathe kwezokuvikela 4. Ukonikela imisebenzi yokuhlela okuhlangeneko 5. Ukonikela imisebenzi yephiko lokuphathe nokuthuthukiswa kwezabasebenzi 6. UkuPhatha imisebenzi yesiYingi se-Ehlanzeni 7. UkuPhatha imisebenzi yesiYingi seBohlabelo 8. UkuPhatha imisebenzi yesiYingi seGert Sibande 9. UkuPhatha imisebenzi yesiYingi seNkangala
IINKHUNDLA: 1 x ISekela lakamNqophisi Jeneral P15 1 x UNobhala PL5 1 x Umsizi kamNqophisi PL9

IPHIKO: ELIKHULU: UKUPHATHWA KWEEMALI
UMNQOPHO: UKUPHATHA IINDABA ZOMNYANGO EZIPHATHELENE NEEMALI
IMISEBENZI:

IPHIKO: UKUHLOLWA KWANGAPHAKATHI KWEENCWADI
UMNQOPHO: UKUNIKELA IMISEBENZI YOKUHLOLWA KWANGAPHAKATHI
IMISEBENZI:

IPHIKO: ZOKUKHANDELWA KWENGOZI
UMNQOPHO: UKUNIKELA UMSEBENZI WOKUKHANDELWA KWENGOZI
IMISEBENZI:

IINKHUNDLA: 1 x UmNqophisi PL13 1 x UNobhala PL5
--

IPHIKO: UKUHLOLWA KWANGAPHAKATHI KWEENCWADI
UMNQOPHO: UKUNIKELA IMISEBENZI YOKUHLOLWA KWANGAPHAKATHI
IMISEBENZI:

IPHIKO: ELIKHULU: UKUPHATHWA KWEEMALI
UMNQOPHO: UKUPHATHA IINDABA ZOMNYANGO EZIPHATHELENE NEEMALI
IMISEBENZI:

IINKHUNDLA: 1 x UmNqophisi PL13 1 x UNobhala PL5
--

Inikelwe yi:- IO